

SIARAN MEDIA
Untuk Siaran Segera**VAN ELEKTRIK PERTAMA MSM UNTUK PENGHANTARAN
AKHIR (*LAST MILE DELIVERY*)**

Penggunaan EV dalam operasi logistik mengukuhkan komitmen ESG syarikat

KUALA LUMPUR, SEPTEMBER 21, 2023 – MSM Malaysia Holdings Berhad (MSM), pengeluar jenama gula bertapis terkemuka negara "Gula Prai", melalui cabang logistik dan anak syarikatnya, MSM Logistics Sdn Bhd hari ini memperkenalkan van Kenderaan Elektrik (EV) pertamanya untuk penghantaran akhir di Lembah Klang sebagai sebahagian daripada inisiatif berterusannya untuk penyahkarbonan dan meningkatkan operasi logistik yang mampan.

The Weststar Maxus eDeliver 3 EV mempunyai WLTP (Prosedur Pengujian Kenderaan Ringan Terselaras Sedunia) sejauh 344km setiap cas penuh. Ia juga dilengkapi dengan penyambung CCS2 yang membolehkan pengecasan DC lebih pantas sehingga 45 minit setiap cas penuh. Dengan seluruh kenderaan berwarna hijau, jenama Gula Prai jelas kelihatan kepada orang ramai.

Ketua Pegawai Eksekutif MSM, Syed Feizal Syed Mohammad berkata, "Selari dengan Dasar Automotif Nasional dan komitmen ESG kami yang kukuh, kami faham manfaat EV dalam mengurangkan pelepasan karbon dioksida (CO₂) dan secara aktif mengambil langkah praktikal untuk menggabungkannya ke dalam operasi logistik kami dalam mewujudkan masa depan yang mampan untuk generasi akan datang.

"Selain daripada van EV, tahun ini MSM Logistics telah membeli lapan trak (*prime movers*) untuk menggantikan trak yang semakin berusia. Untuk trak baharu ini, purata penggunaan bahan api adalah sekitar 2.3 Km/L - 2.6 Km/L. Berbanding dengan trak lama tersebut, penggunaan bahan api purata antara 1.6 Km/L hingga 1.9 Km/L. Dengan beralih kepada kenderaan diesel Euro5, kami menyasarkan penggunaan bahan api yang lebih baik yang mengurangkan jejak karbon bagi setiap km perjalanan," tambah Syed Feizal.



MSM Logistics akan menyokong komitmen ESG Kumpulan MSM dengan pelan pemerolehan aset selama 5 tahun untuk membeli dan menggantikan semua trak yang sudah berusia untuk menambah baik masa operasi trak, meningkatkan produktiviti dan tan yang dihantar sambil mengurangkan pelepasan CO₂. Bagi mengukuhkan lagi operasinya, MSM Logistics baru-baru ini menerima pensijilan ISO 9001:2015 untuk sistem pengurusan kualitinya serta dalam proses mendapatkan pensijilan Halal untuk syarikat tersebut.

MSM Logistics berkembang kepada perkhidmatan pengangkutan, pergudangan, penghantaran barang dan perkhidmatan tambah nilai yang lain. MSM Logistics pada masa ini menguruskan 42 aset sendiri dengan kekuatan 42 pemandu yang disokong oleh logistik pihak ketiga (3PL), dan pakar dalam perkhidmatan trak antara negeri, jarak dekat dan jauh melalui pergerakan disewa dan berjadual yang menghantar gula dengan cekap kepada pelanggan MSM di seluruh Malaysia.

MSM ialah syarikat korporat ke-10 dan berasaskan makanan kedua di Malaysia yang komited terhadap Inisiatif Sasaran Berasaskan Sains (SBTi), usaha kerjasama yang melibatkan Kompak Global Pertubuhan Bangsa-Bangsa Bersatu (UNGC) dan inisiatif Matlamat Sifar Bersih (*Net-Zero Ambition*).

-TAMAT-



Maklumat MSM Malaysia Holdings Berhad (MSM)

MSM Malaysia Holdings Berhad (MSM) ialah pengeluar gula bertapis terkemuka Malaysia dan salah satu syarikat penapis gula terbesar di Asia. MSM terlibat dalam pengeluaran, pemasaran dan penjualan produk gula bertapis di bawah jenama "Gula Prai". Syarikat ini menjalankan perniagaan terutamanya melalui dua anak syarikatnya, MSM Prai Berhad dan MSM Sugar Refinery (Johor) Sdn Bhd. Di samping itu, MSM juga mengendalikan sebuah syarikat logistik – MSM Logistics Sdn Bhd.

Pada masa ini, kapasiti pengeluaran tahunan MSM mencecah 2.05 juta tan gula bertapis. Pada tahun 2022, MSM mengeluarkan sebanyak 946,834 tan gula bertapis, di mana 230,903 tan adalah untuk pasaran eksport. Ketika ini, MSM menguasai sehingga 60% syer pasaran domestik. MSM telah disenaraikan di Pasaran Utama Bursa Malaysia sejak 2011 dan mempunyai modal pasaran sebanyak RM598 juta setakat 30 Disember 2022. MSM menggabungkan kejayaan ekonomi bersama perlindungan alam sekitar dan tanggungjawab sosial untuk masa depan yang mampan.

MSM menawarkan pelbagai rangkaian produk daripada gula bertapis putih pelbagai saiz sehinggalah ke gula perang halus. Kesemua produk ini telah dipasarkan dan dijual di dalam pelbagai bentuk pilihan pembungkusan di bawah jenama "Gula Prai". MSM juga turut menjual 'molasses' sejenis produk sampingan yang dihasilkan menerusi proses penapisan gula hingga ke produk penyulingan dan penghasilan etanol, makanan haiwan dan yis antara lain-lain produknya. Selain daripada produk pengguna isi rumah, MSM menjual kepada pelbagai pelanggan di Malaysia dan juga negara-negara lain secara langsung dan tidak langsung melalui pedagang, pemborong dan pengedar. Para pelanggan termasuklah syarikat-syarikat besar dalam industri minuman dan makanan, hotel, restoran dan rangkaian kedai-kedai makanan.

Untuk maklumat lanjut, sila layari www.msmsugar.com

Pernyataan Berpandangan Ke Hadapan

Beberapa pernyataan dalam laporan ini mengenai operasi MSM adalah berbentuk pernyataan yang berpandangan ke hadapan. Pernyataan ini boleh dikenal pasti dengan kata-kata kunci seperti "percaya", "menganggarkan", "mengharapkan", "menjangka", "berhasrat", "mungkin", "akan", "merancang", "prospek" dan perkataan lain yang mempunyai maksud yang berkaitan dengan perbincangan mengenai prestasi operasi atau kewangan masa hadapan. Pernyataan ini berkaitan dengan rancangan, objektif, matlamat, strategi, operasi dan prestasi masa hadapan MSM. Keputusan dan hasil sebenarnya mungkin berbeza daripada yang diunjurkan dalam mana-mana pernyataan yang berpandangan ke hadapan disebabkan oleh pelbagai peristiwa, risiko, ketidakpastian dan faktor lain yang terlibat. Kami tidak berhasrat atau tidak menanggung apa-apa obligasi untuk mengemas kini atau meminda mana-mana pernyataan yang berpandangan ke hadapan, sama ada disebabkan oleh maklumat baharu, peristiwa masa hadapan atau sebaliknya.

Untuk pertanyaan media sila hubungi:

Siti Noorbaya Mohd Yunus
+603 2181 5018 ext. 158
+6016 677 6118
noorbaya.my@msmsugar.com

Syahidah Ismail
+603 2181 5018 ext. 154
+6019 225 9705
syahidah.i@msmsugar.com